

PARADA CHIQUITO PERO PRECIOSO NA SAN NICOLAS Y PLAYA

CIFRANAN PARADA GRANDI SAN NICOLAS

8 februari 1997

Esakinan ta cifra nan di **parada di Carnaval na San Nicolas** diasabra ultimo. E cifranan di participacion ta relaciona cu cada persona disfraz den e gruponan o como individualnan. Aualmente **Juby Naar ta copila esakinan** y ta manda nan cu tur nan detallenan pa **Sr. Dede Ruiz di SAC** pa su filenan. E cifranan di e totalidad di participantenan ta locual ta ser puntra na cada lider di grupo durante parada.

Cifranan detalla ta encera: E grupo nan, nan cantidad di participante, nan cantidad di roadpiece y body piece, nan truck, pickup, van, trailer, banda musical, totalidad di personanan riba e trucknan musical y techniconan etc. locual no ta wordo publica den e cifranan aki cu ta solamente riba e participacion den resumen.

	1994	1995	1996	1997
Participantenan	2054	1545	1364	1171
Gruponan	22	17	15	13
bandanan	12	12	10	9
Brassband	3	4	4	3
Soundsystem	5	7	7	7
Roadpiece	35	35	19	31
Carosa	7	11	8	5

ORANJESTAD(AAN):

Despues di tanto polemica durante temporada di carnaval for di comienzo di aña, Aruba a keda sorprendi fin di siman cu un carnaval precioso pero mas grandi cu hopi hende lo a kere.

E duracion di promedio dos ora di parada tabata cortico, si compara cu paradanan chiquito di 5 pa 10 aña pasa cu tabata tin duracion di 3 pa 4 ora.

Na Oranjestad sigur e puramento di parti di polis afecta e participantenan masha hopi, y e mirones tambe a keda masha desapunta cu e parada mester a termina asina tempran.

Varios grupo a keda perhudica cu esaki ora cu gruponan cu a termina na DOW, a dicidi di bira bin pariba y cana mey mey di e gruponan cu ainda tabata den parada direccion pa DOW.

Pa e bon trabao cu polis a haci durante henter e ruta, e puramento di parada a daña e impresion bunita aki y causa malcontento cerca hopi tanto mirones como participantenan.

E paradanan mes tabata masha bunita cu gruponan precioso manera e grandinan Voyage to the Roman Empire di Pueblo, Buniteza di nos naturalesa di Coastal, Party Swinger di Los laga Bay, Nos Cosecha di Hospiljies, Mundo di Teatro di Aruba Uni.

Gruponan cu a contribui na e buniteza tabata tambe na San Nicolas gitanonan di biblioteca y Native america, e grupo di Post Kantoor, Fantasia y Color y gruponan comico, y Na playa ta e mes un gruponan aki cu Camacuri Gang, Tivoli, y Jolly Makers a logra haci e parada asina bunita, cu su luho, colorido y ambiente grandi.

E bandanan musical a duna e parada e toque festivo cu nan cancionnan tanto na San Nicolas como na Playa, pero a falta sinembargo otro bandanan cu no tabata den paradanan.

Diasabra madrugaba e musiconan a cuminsa cu nan tononan festivo di carnaval y hopi di nan despues di oranan di anima otro fiestanan, pa despues sigui pa parada na San Nicolas fiestanan anochi y parada diadomingo.

E publico tabata masha chempilar, principalmente na San Nicolas caminda e gruponan no tabata tin keho riba publico.

Mas bien nan a elogia e publico pa a duna un colaboracion inmenso y ademas disfruta di nan presentacion.

Na playa sinembargo tabata tin lugar caminda cu hendenan tabata drenta mey mey di e gruponan, probechando di momentonan cu polis no tabata den vecindario.

E cifranan sinembargo a

monstra con e participacion a baha ultimo añanan, y pa esaki tur indicacion ta te awor cu pa otro aña Aruba lo haya algun grupo nobo acerca y varios di e ex gruponan lo drenta den parada atrobe, dependiendo grand-

mente tambe na e prijs cu bandanan lo bay cobra pa paradanan.

SAC por ta masha contento cu e carnaval aki cu a surpassa e espectativanan.

Di lamenta tabata solamente cu pa 3.30 or atardi diadomingo Carnaval a yega su fin y e ambiente a baha abao, apesar cu ayera tabata tin e kimamento di Momito na San Nicolas cu no tabata gran cos y cu awe

nochi lo tin e kimamento di Momo, pa cual actividad ainda ta ser spera colaboracion di gruponan.

E Jouvert Morning diasabra madrugaba cu participacion di casi tur e bandanan y dos miniteca a resulta den exito grandi y ta miles di hende el a atrae tambe mientras cu Tele Aruba tabata tin un bon sintonia si bay tras di e tanto comentarionan cu a haya e smaak pa otro aña no falta Jouvert Morning.

Un pabien sigur ta na su lugar na SAC y na pueblo di Aruba pa un celebracion bunita di carnaval, principalmente na e participantenan.

CIFRANAN PARADA GRANDI NA ORANJESTAD

9 februari 1997

Esakinan ta cifra nan di **parada di Carnaval na Oranjestad diadomingo ultimo**. E cifranan di participacion ta relaciona cu cada persona disfraz den e gruponan o como individualnan. Aualmente **Juby Naar ta copila esakinan** y ta manda nan cu tur nan detallenan pa **Sr. Dede Ruiz di SAC** pa su filenan. E cifranan di e totalidad di participantenan ta locual ta ser puntra na cada lider di grupo durante parada.

Cifranan detalla ta encera: E grupo nan, nan cantidad di participante, nan cantidad di roadpiece y body piece, nan truck, pickup, van, trailer, banda musical, totalidad di personanan riba e trucknan musical y techniconan etc. locual no ta wordo publica den e cifranan aki cu ta solamente riba e participacion den resumen.

	1994	1995	1996	1997
Participantenan	3401	2493 (2893)	2019	1772
Gruponan	23	22	21	13
bandanan	15	12	12	10
Brassband	4	5 (8)	4	5
Soundsystem	11	8	6	5
Roadpiece	90	48	37	47
Carosa	11	15	16	4
Steelband	2	1	0	0

NOTA: e cifra 2493 di participante na 1995 ta di localnan ya cu e aña ey tabata tin 400 participante di Venezuela cu 3 grupo di brassband Venezolano den parada, locual a haci e cifra total 2893... E cifra 5 na 1995 di brassbandnan ta esnan local y cu e 3 nan di Venezuela acerca e ta bira 8 total.